

II - ARABAKO LURRALDE HISTORIKOAREN TOKI ADMINISTRAZIOA

LEGUTIOKO UDALA

Behin betiko onestea trakzio mekanikoko ibilgailuen gaineko zerga arautzen duen ordenantza

Erreklamaziorik aurkeztu ez denez gero trakzio mekanikoko ibilgailuen gaineko zerga arautzen duen ordenantzaren alkatearen 2019ko maiatzaren 29ko ohiko osoko bilkuran hartutako erabakiaren aurka hura jendaurrean egon den arauzko epean, behin betiko onetsita geratzen da, eta osorik argitaratzen da ordenantzaren testua, toki araubidearen oinarriak arautzen dituen Legeak 70.2. artikuluan aurreikusitako ondorioetarako (7/1985 Legea, apirilaren 2koa):

TRAKZIO MEKANIKOKO IBILGAILUEN GAINEKO ZERGA ARAUTZEN DUEN ORDENANTZA

I. XEDAPEN OROKORRAK

1. artikulua

Udalak ordenantza honen arabera eskatuko du trakzio mekanikoko ibilgailuen gaineko zerga, Arabako Lurralde Historikoko toki ogasunak arautzen dituen Foru Arauan eta zerga honi buruzko foru arauan xedatutakoarekin bat etorriz. Ezarri beharreko tarifak jasotzen dituen eranskina ere ordenantzaren zati da.

2. artikulua

Ordenantza hau udalerrri osoan aplikatuko da.

II. ZERGA-EGITATEA

3. artikulua

Zerga egitateak dira:

1. Bide publikoan ibiltzeko gai diren eta trakzio mekanikoa duten ibilgailuen titularitatea, edozein mota eta kategoriatakoa dela ere, zirkulazio baimenean zehazten den helbidea udalerrri honetako bada.

Autokarabana eta etxebizitza gisa erabiltzeko egokitutakoak. Turismotzat joko dira eta potentzia fiskalaren arabera ordainduko dute zerga.

2. Ibilgailua zirkulaziorako gai da baldin eta dagozkion erregistro publikoetan matrikulatuta badago, eta baja eman gabe. Zerga honen ondorioetarako, aldi baterako baimena duten ibilgailuak eta turismo matrikula dutenak ere zirkulatzeko erabilgarritzat joko dira.

3. Ez daude zergaren pean:

a) Antzinako modeloa izanik erregistroetan baja emanda dauden ibilgailuak, baldin eta, salbuespen gisa, horrelako autoen erakustaldi, txapelketa edo lasterketa mugatuetan ibiltzeko baimena eman bazaie.

b) Trakzio mekanikoko ibilgailuek tiratutako atoiak eta erdiatoiak, 750 kg arterainoko zama erabilgarria dutenak.

III. SALBUESPENAK ETA HOBARIAK

4. artikulua

Hauek zergatik salbuetsita daude:

a) Estatuaren, Euskal Autonomia Erkidegoaren, Arabako Foru Aldundiaren eta udal eta toki erakundeen ibilgailuak, defentsa edo herritarren babesari atxikitakoak.

b) Beste herrialde batzuetako ordezkari diplomatikoen, kontsul bulegoetako kideen, agente diplomatikoen eta kontsul funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa.

Era berean, Espainian egoitza edo bulegoa duten nazioarteko erakundeen ibilgailuak, bai eta bertako funtzionarioen edo estatutu diplomatikoa duten kideen ibilgailuak ere.

c) Nazioarteko itunen edo hitzarmenen bidez salbuetsita dauden ibilgailuak.

d) Anbulantziak eta osasun laguntzako ibilgailuak, eta zaurituak edo gaixoak garraiatzeko erabiltzen direnak.

e) Abenduaren 23ko 2822/1998 Errege Dekretuaren bidez onartutako Ibilgailuen Arautegi Orokorren A idatz zatiak aipatzen dituen mugikortasun urriko pertsonentzako ibilgailuak. "350 kg baino gutxiagoko tara duen ibilgailua, eraikitze moduagatik lurralde lauan 45 km/h abiadura ezin badu gainditu eta disfuntzio edo ezgaitasun fisikoren bat duten pertsonak erabiltzeko berariaz eraiki edo proiektatu bada (ez da nahikoa moldatzearekin). Gainerako ezaugarri teknikoak dagokionez, hiru gurgpileko ziklomotorrekin parekatuko da".

Era berean, zergaren ordainketatik salbuetsiko dira ezinduen izenean dauden eta eurak bakarrik erabiltzeko diren 14 zerga zalditik beherako ibilgailuak. Salbuespen hau egoerak irautean duen artean aplikatuko da, bai ezinduek gidatutako ibilgailuen kasuan, bai ezinduak eramateko ibilgailuen kasuan.

Aurreko bi paragrafoetan ezarritako salbuespenak ezin dira aplikatu batera, hots, onuradun bakoitzari bat baizik ezin zaio aplikatu, ibilgailu bat baino gehiago eduki arren.

Paragrafo honetan xedatutakoaren ondorioetarako hauexek hartuko dira ezgaitasuna duten pertsonatzat:

a. Ehuneko 33 - 65 bitarteko minusbaliotasun gradua onartuta dutela, mugitzeko gaitasuna murriztuta daukaten pertsonak. Honako hauek dute mugitzeko gaitasuna murriztuta: abenduaren 23ko 1971/1999 Errege Dekretuak, minusbaliotasun gradua onartu, adierazi eta kalifikatzeko prozedurarenak, III. eranskineko baremoko A, B eta C letretan azaltzen diren egoeretako batean daudenak eta baremo horretako D, E, F, G edo H letran 7 puntu edo gehiago dituztenak.

b. Ehuneko 65eko minusbaliotasuna edo handiagoa duten pertsonak.

f) Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.

g) Nekazaritzako ikuskatze txartela duten traktore, atoi, erdiatoi eta makinak.

Artikulu honen 1. apartatuko e) eta g) letretan aipatzen diren salbuespenez gozatu ahal izateko, interesdunek eskatu egin beharko dituzte, ibilgailuaren ezaugarriak, matrikula eta hobariaren arrazoia adieraziz. Udal administrazioak salbuespena onartu ostean, horren ziurtagiria emango da.

1. apartatuaren e) letraren bigarren lerroaldean xedatutako salbuespenari dagokionez, ezintasunaren ziurtagiria aurkeztu beharko du interesdunak, organo eskudunak egina, bai eta ibilgailuaren zertarako justifikatu udalari ere, udalak berak zerga ordenantza honetan xedatutako eran.

2. Ordenantza honen 1. apartatuko e) eta g) letretan aipatzen diren salbuespenek arau izaera dute, administrazio ekintza bidez emango dira eta udal organo eskudunak ebatziko ditu. Salbuespen horiek eskatu ondorengo zergalditik aurrera izango dituzte ondorioak.

Udalari haiek onartzeko eskatzen dioten interesdunek ibilgailuaren ezaugarriak, matrikula eta onurarako arrazoiak adieraziko dizkiote, eta salbuespenaren udal ziurtagiria Trafiko Buruzagitzan aurkeztuko dute matrikula izapidetzean edo udalerrian ibilgailuari alta ematean. Udalak salbuespena onartu ostean, horren ziurtagiria emango da.

Ezinduek gidatutako edo haiek garraiatzeko ibilgailua salbuesteko interesa dutenek (4.1.e artikuluan zehazten dira) hauek ere aurkeztu beharko dituzte:

– Ezgaitasunaren ziurtagiria eta, izanez gero, organo eskudunak (Arabak: Gizarte Ongizaterako Foru Araua) emandako mugikortasun urriaren ziurtagiria.

– Zinpeko aitorpena, ibilgailu hori ezinduak baino ez duela erabiliko aitortuz.

– Hala dagokionean, ibilgailua bere ezintasunera moldatu dela egiaztatzea, fitxa teknikoan aipamena eginda edo moldaketa egin duen lantegiaren ziurtagiri bidez.

5. artikulua

a) Ehuneko 90 edo 50eko hobaria izango dute 5 plaza edo gehiagoko ibilgailuak titularra familia ugariaren kide denean, hain zuzen, kategoria bereziko familia ugariaren (bost seme-alaba edo gehiagokoak eta laukoak, horietako hiru familiako amak erditutakoak direnean, adopzio edo harrera iraunkorrekoak edo adopzio aniztunaren aurrekoak) edo kategoria orokorrekoaren (beste familia unitate guztiak) kide, hurrenez hurren, eta betiere, familiako ibilgailu bakarra.

Eskaera egiten duten zergadunek honakoak erantsi beharko dituzte:

– Familia ugariaren titulua.

– Ibilgailuaren fitxa teknikoaren kopia.

Hobari hau urtero eskatu egin behar da, eta alkatearen dekretuaren bidez ebatziko da.

b) Ehuneko 90eko hobaria izango dute zergaren kuotan ziklomotorrek, trizikloek, kuadrizikloek eta motozikletek; turismoek, furgoneta arinek, 8 leku baino gehiagoko ibilgailuek eta salgaiak garraiatzeko ibilgailuek, DGTren ibilgailu erregistroan honela sailkatuek: bateriazko ibilgailu elektrikoa, autonomia hedatuko ibilgailu elektrikoa (REEV), ibilgailu elektriko hibrido entxufagarri 40 kilometro baino autonomia handiagokoa eta erregai pilako ibilgailuek.

c) Ehuneko 50eko hobaria izango dute ibilgailuen erregistroan honela sailkatzen diren turismo, furgoneta arin, zortzi leku baino gehiagoko ibilgailu eta salgaiak garraiatzeko ibilgailuek: ibilgailu hibrido entxufagarri 40 Km baino autonomia gutxiagokoak, ibilgailu hibrido ez-entxufagarriak, gas naturalez bultzatutako ibilgailuak, gas naturalez (GNC eta GNL) edo petrolio gas likidotuz (GLP) bultzatutako ibilgailuak."

d) Ehuneko 10 areagotuko dira Trafikoko Zuzendaritza Orokorrak ibilgailuen kutsatze ahalmenaren arabera emandako hobariak, indarrean dagoen legedian ezarritako arabera familia ugariaren kide den batena denean bost edo plaza gehiago dituen ibilgailua.

Aurreko b), c) eta d) puntuetan adierazitako hobari eskaerak behin baino ez dira egingo, zeren eta, onartutakoan, hurrengo ekitaldietan ere aplikatuko baita.

Ibilgailuaren azterketa teknikoko txartelaren fotokopia aurkeztuko da.

IV. SUBJEKTU PASIBOAK

6. artikulua

Zerga honen subjektu pasiboak dira ibilgailu baten trakzio mekanikoko zirkulazio baimenean titular moduan ageri diren pertsona fisikoak eta juridikoak eta Arabako zergeri buruzko Foru Arau Orokorrean aipatutako erakundeak.

V. KUOTA

7. artikulua

1. Tarifen taularen arabera eskatuko da zerga. Eranskinean jaso da taula hori.

2. Ibilgailu mota zehazteko, arategietan ezarritakoa hartuko da kontuan; arau hauek ere kontuan izango dira:

a) Ibilgailua furgonetatzat hartuko da baldin eta turismo bat egokitzen bada garraio mistorako, pertsonak eta gauzak eramateko, dela eserlekuak eta beirak kenduz, dela ateen tamaina edo kokapena aldatuz, dela bestelako aldaketak eginez, betiere ibilgailuaren jatorrizko modeloa funtsean aldatu gabe. Furgonetek, potentzia fiskalaren arabera, turismoen zergak ordainduko dituzte, kasu hauetan izan ezik:

Lehenengoa. Ibilgailua bederatzi pertsona baino gehiago eramateko prestatuta badago, gidaria barne, autobusen zerga ordainduko du.

Bigarrena. Ibilgailuak 525 kg-tik gorako zama erabilgarria garraiatzeko baimena badauka, kamioiari dagokion zerga ezarriko zaio.

b) Zerga honen ondorioetarako, motogurdiak motozikletatzat hartuko dira, eta, beraz, zilindradaren arabera ordainduko dituzte zergak.

c) Ibilgailu artikulatuei dagokienez, trakzioa duen zatiak eta hark tiratutako atoiak edo erdiatoiak, biek aldi berean eta bakoitzak bere aldetik ordainduko dituzte zergak.

d) Ziklomotor, atoi eta erdiatien kasuan, beren edukiera dela-eta matrikulatzera behartuta ez badaude, zirkulaziorako egokitzen joko dira Industria Ordezkaritzak dagokion ziurtagiria ematen duen unetik beretik, edo, hala badagokio, benetan zirkulazioan daudenean.

e) Makina autopropulstakuek, trakzio mekanikoko beste ibilgailu batzuek tiratu beharrik gabe bide publikoetan ibil daitezkeenean, traktoreen tarifen arabera ordainduko dute zerga.

VI. ZERGALDIA ETA SORTZAPENA

8. artikulua

1. Zergaldia urte naturala izango da, ibilgailua lehenengoz eskuratzen denean edo baja ematen zaionean izan ezik. Kasu horietan zergaldia ibilgailua eskuratzen den egunean bertan hasiko da edo Trafiko Buruzagitzan baja ematen den egunean amaitu.

2. Sortzapena zergaldiko lehen egunean gertatuko da.

3. Ibilgailu bat lehen aldiz eskuratzen bada, zergaren kuota ibilgailuaren eskuratze egunetik abenduaren 31ra arteko aldiaren proportziozkoa izango da, edo eskuratze egunetik baja datara arteko aldiaren proportziozkoa, hala badagokio.

4. Ibilgailu bati baja ematen zaionean, Zergaren kuota urtarrilaren 1etik Trafiko Buruzagan baja eman arteko aldiaren proportziozkoa izango da.

VII. KUDEAKETA

9. artikulua

Ibilgailuaren zirkulazio baimenean agertzen den herriko udalari dagokio kudeaketa, likidazioa, ikuskapena eta bilketa, bai eta zerga kudeaketako bidean emandako egintzak berrikustea ere.

10. artikulua

Udalak autolikidazioaren bidez eskatu ahal izango du zerga hau.

11. artikulua

Udal administrazioak emandako ordainagiriaren bitartez egiaztatuko da zerga ordaindu izana.

12. artikulua

Ekitaldi bakoitzeko lehen hiruhilekoan ordainduko da zerga; ez, ordea, hurrengo artikuluan jasotzen diren kasuetan, horrelakoetan bertan xedatutakoari jarraituko zaio eta.

13. artikulua

Matrikulazio berria bada, edo zergen ondorioetarako ibilgailuaren sailkapena aldatzen duen bestelako aldaketaren bat egiten bada, interesdunek dokumentu hauek aurkeztu beharko dituzte udal administrazioan, zergaren matrikulan sartzeko, matrikulatu edo aldaketa egin eta 30 egun balioduneko epean:

- a) Zirkulazio baimena.
- b) Ezaugarri teknikoen ziurtagiria.
- c) NANA edo IFK.

14. artikulua

1. Trafiko buruzagitzan matrikulazioa eskatzen dutenek, hau da, zirkulatzeko gaitasun agiria, alde zurretik egiaztatu beharko dute zerga ordaindu izana.

2. Ibilgailuen titularrek trafiko buruzagitzari alde zurretik frogatu beharko diote aurkeztu zaien azken ordainagiria ordaindu dutela, kasu hauetan: ibilgailuak eraberritu badituzte, zergaren ondorioetarako sailkapena aldatzeko moduan; ibilgailua eskualdatu badute; ibilgailuaren zirkulazio baimenean ageri den egoitza aldatu badute; edo ibilgailuari baja ematen badiote. Hala badagokio, kudeaketaren eta ikuskatzearen bidez, kontzeptu horrengatik sortutako, likidatutako, kobratzeko aurkeztutako eta preskribatu gabeko zor guztiak ordaintzeko eskatu ahal izango zaie. Hamabost urte edo gehiago dituen ibilgailu bati behin betiko baja emanaz gero, ez dago aipatutakoa frogatu beharrik.

3. Trafiko Buruzagitzak ez ditu izapidetuko ibilgailuen baja edo transferentzia espedienteak, alde zurretik Zerga ordaindu dela frogatzen ez bada.

ALDI BATERAKO XEDAPENA

Toki Ogasunak aldatzen dituen martxoaren 31ko 12/2003 Foru Araua indarrean jarri aurretik, ibilgailu batzuk trakzio mekanikoko ibilgailuen gaineko zergatik salbuetsita egon dira uztailaren 19ko 44/1989 Foru Arauaren, zerga horri buruzkoaren, 2.1.d) artikulua testu zaharrean ezarritakoaren arabera. Ibilgailu horiek ez badute betetzen foru arau horrek finkatutako 2.1.d) artikulua testu berrian ezarritakoa, testu zaharreko salbuespena aplikatzeko eskubidea edukiko dute, ibilgailuak testu hartan salbuespena aplikatzeko ezarritako betekizunak betetzen dituen bitartean.

AZKEN XEDAPENA

Ordenantza hau eta haren eranskina 2019ko maiatzaren 29an onetsi ziren, 2020ko urtarriaren 1ean sartuko da indarrean eta hala egongo da aldatzea edo indargabetzea erabakitzen den arte.

ERANSKINA**TARIFAK****A) Turismoak:**

< 8 zaldi fiskal: 13,81 euro.

8 eta 11,99 zaldi fiskal bitartean: 37,30 euro.

12 eta 15,99 zaldi fiskal bitartean: 78,76 euro.

16 eta 19,99 zaldi fiskal bitartean: 98,09 euro.

20 zaldi fiskalek aurrera 127,97 euro.

B) Autobusak:

21 plaza baino gutxiago: 91,20 euro.

21 eta 50 plaza bitartean 129,88 euro.

50 plaza baino gehiago 162,34 euro.

C) Kamioiak:

1.000 kg baino gutxiagoko karga erabilgarria: 46,29 euro.

1.000 eta 2.999 kg arteko karga erabilgarria: 91,20 euro.

2.999 eta 9.999 kg arteko karga erabilgarria: 129,88 euro.

9.999 kg baino gehiagoko karga erabilgarria: 162,34 euro.

D) Traktoreak:

< 16 zaldi fiskal: 19,34 euro.

16 eta 25 zaldi fiskal bitartean: 30,40 euro.

> 25 zaldi fiskal: 91,20 euro.

E) Trakzio mekanikoko ibilgailuek herrestan daramatzaten atoiak eta erdiatoiak:

1.000 kg baino gutxiagoko eta 750 kg baino gehiagoko karga erabilgarria: 19,34 euro.

1.000 eta 2.999 kg arteko karga erabilgarria: 30,40 euro.

2.999 kg baino gehiagoko karga erabilgarria: 91,20 euro.

F) Bestelako ibilgailuak:

Ziklomotorrak: 4,84 euro.

125 cm³ baino gutxiagoko motozikletak: 4,84 euro.

125 eta 250 cm³ bitarteko motozikletak: 8,29 euro.

250 eta 500 cm³ bitarteko motozikletak: 16,58 euro.

500 eta 1.000 cm³ bitarteko motozikletak: 33,17 euro.

1.000 cm³ baino gehiagoko motozikletak: 66,45 euro.

Guztiek jakin dezaten argitaratzen da.

Legutio, 2019ko uztailaren 30a

Alkatea

CÉSAR FERNÁNDEZ DE GAMARRA EGURROLA